

# ●摩訶般若波羅密多心經

觀自在菩薩。行深般若波羅密多時。照見五蘊皆空。度一切苦厄。舍利子。色不異空。空不異色。色即是空。空即是色。受想行識。亦復如是。

舍利子。是諸法空相。不生不滅。不垢不淨。不增不減。是故空中無色無受想行識。無眼耳鼻舌身意。無色聲香味觸法。無限界乃至無意識界。無無明亦無無明盡。乃至無老死。亦無老死盡。無苦集滅道。無智亦無得。以無所得故。苦提薩埵。依般若波羅密多故。心無罣礙。無罣礙故。無有苦怖。遠離一切顛倒夢想。究竟涅槃。

三世諸佛。依般若波羅密多故。得阿耨多羅三藐三菩提。故知般若波羅密多。是大神呪。是大明呪。是無上呪。是無等等呪。能除一切苦。眞實不虛。故說般若波羅密多呪。即說呪曰。羯諦。

羯諦。波羅羯諦。波羅僧羯諦。菩提娑婆訶。

般若心經。